

OBJAVENO U DNEVNIKU NAZU  
DZK 18.09.2021

BOSNA I HERCEGOVINA  
FEDERACIJA BOSNE I HERCEGOVINE  
BOSANSKO-PODRINJSKI KANTON  
GRAD GORAŽDE  
GRADONAČELNIK



BOSNIA AND HERZEGOVINA  
FEDERATION OF BOSNIA AND HERZEGOVINA  
BOSNIAN-PODRINJE CANTON  
CITY OF GORAŽDE  
MAYOR

Broj: 01-02-1-221-33  
Goražde, 15.09. 2021. godine

Na osnovu člana 8. Zakona o ministarskim, vladinim i drugim imenovanjima F BiH ("Sl. novine F BiH", broj: 12/03; 34/03 i 65/13), Člana 2. Odluke o utvrđivanju standarda i kriterija za imenovanje na pozicije reguliranih tijela Općine Goražde („Službene novine Općine Goražde“, br: 1/14) i Člana 2. Rješenja o imenovanju Komisije za izbor predsjednika i članova reguliranih tijela Grada Goražde (u daljem tekstu: komisija) broj: 01-02-1-221 od 20.01.2021. godine, Komisija, u ime Gradskog vijeća Grada Goražde, raspisuje:

### JAVNI OGLAS

#### za izbor i imenovanje predsjednika i članova Upravnog odbora Javne ustanove „Sportski centar“ Goražde

1. Raspisuje se Javni oglas za izbor i imenovanje predsjednika i članova Upravnog odbora Javne ustanove „Sportski centar“ Goražde, kako slijedi:

#### Upravni odbor JU „Sportski centar“ Goražde

- Predsjednik Upravnog odbora / predstavnik osnivača/.....1
- član /iz reda zaposlenika JU/.....1
- član /iz reda osnivača/.....1

#### 2. Opis pozicije - Upravni odbor

Djelokrug rada Upravnog odbora je: donosi pravila ustanove; imenuje i razrješava direktora odnosno v.d. direktora ustanove; utvrđuje planove rada i razvoja ustanove; utvrđuje godišnji program rada; donosi finansijski plan i usvaja godišnji obračun; donosi opšti akt o unutrašnjem uređenju i sistematizaciji poslova i druge opšte akte, u skladu sa zakonom i pravilima ustanove; odlučuje o svim pitanjima obavljanja djelatnosti radi kojih je ustanova osnovana, ako zakonom nije određeno da o određenim pitanjima odlučuje drugi organ ustanove; rješava sva pitanja odnosa s osnivačem; odlučuje o korišćenju sredstava preko iznosa utvrđenog pravilima ustanove; odgovara osnivaču za rezultate rada ustanove; odlučuje o prigovoru radnika ustanove na rješenje kojim je drugi organ određen pravilima ustanove odlučio o pravu, obavezama i odgovornostima radnika iz radnog odnosa; podnosi osnivaču najmanje jedanput godišnje izvještaj o poslovanju ustanove, te izvještaj o svom radu; bira i razrješava članove stalnih i povremenih radnih tijela ustanove; obavlja i druge poslove u skladu sa zakonom i pravilima ustanove.

Kandidati za imenovanje na pozicije u Upravnim odborima moraju ispunjavati slijedeće uslove:



### **OPĆI USLOVI:**

1. Da je državljanin Bosne i Hercegovine,
2. Da je stariji/a od 18 godina,
3. Da nije otpušten/a iz državne službe kao rezultat disciplinske mjere na bilo kom nivou vlasti u Bosni i Hercegovini u periodu od tri godine prije dana objavljivanja upražnjene pozicije,
4. Da nije pod optužnicom Međunarodnog suda za bivšu Jugoslaviju (član IX 1. Ustava Bosne i Hercegovine),
5. Da nije osuđivan/a za krivično djelo koje predstavlja smetnju za imenovanje na upražnjenu poziciju u roku od pet godina od dana izdržavane, izvršene, zastarjele ili oprostene kazne,
6. Da mu/joj odlukom suda nije zabranjeno obavljanje aktivnosti na poziciji za koju se kandiduje,
7. Da nije izabrani dužnosnik/ca, nosilac izvršnih funkcija ili savjetnik/ca u smislu Zakona o sukobu interesa u institucijama vlasti BiH i Zakona o sukobu interesa u institucijama vlasti FBiH, odnosno da nije u sukobu interesa u smislu Uredbe sa zakonskom snagom o ustanovama ili po bilo kojem drugom osnovu,
8. Da nema privatni finansijski interes u reguliranom tijelu za koji se kandiduje,
9. Da nije stariji/a od 65 godina na dan imenovanja.

### **POSEBNI USLOVI**

1. Da ima visoku, višu ili srednju stručnu spremu;
2. Da ima najmanje 3 godine radnog iskustva u struci nakon sticanja visoke, više ili srednje stručne spreme;
3. Da nije predsjednik/ca ili član u nekom od reguliranih tijela na području Grada Goražda ;
4. Da ima komunikacijske i organizacijske sposobnosti.

### **POTREBNI DOKUMENTI**

- Potpisana prijava na Javni oglas sa kraćom biografijom, adresom i kontakt telefonom,
- Izvod iz matične knjige državljana, ne stariji od 6 mjeseci ili ovjerena kopija CIPS-ove lične karte,
- Izjava ovjerena od nadležnog organa gradske uprave ili notara da nije otpušten/a iz državne službe kao rezultat disciplinske mjere (bilo na nivou države ili entiteta) u periodu od tri godine prije dana objavljivanja upražnjene pozicije,
- Izjava ovjerena od nadležnog organa gradske uprave ili notara, da se na njega/nju ne odnosi član IX.1.Ustava Bosne i Hercegovine, (da nisu pod optužnicom Međunarodnog suda za ratne zločine u bivšoj Jugoslaviji),
- Uvjerenje nadležnog Općinskog suda da nije osuđivan/a za krivično djelo koje predstavlja smetnju za imenovanje na upražnjenu poziciju u roku od 5 godina od dana izdržavane, izvršene, zastarjele ili oprostene kazne; (ne starije od 3 mjeseca),
- Uvjerenje nadležnog Općinskog suda da mu/joj odlukom suda nije zabranjeno obavljanje aktivnosti na poziciju za koju se kandiduju, (ne starije od 3 mjeseca),
- Izjava ovjerena od nadležnog organa gradske uprave ili notara da nije izabrani zvaničnik/ca, nosilac izvršnih funkcija ili savjetnik/ca u smislu Zakona o sukobu interesa u institucijama vlasti BIH i Zakona o sukobu interesa u insitucijama vlasti FBiH, da nije u sukobu interesa u smislu Uredbe sa zakonskom snagom o ustanovama ili po bilo kojem drugom osnovu,



- Izjava ovjerena od nadležnog organa gradske uprave ili notara, da nema privatni finansijski interes u reguliranom tijelu za koji se kandiduju, (ne starija od 3 mjeseca)
- Ovjerena kopija diplome,
- Uvjerenje o radnom iskustvu u struci nakon sticanja visoke, više ili srednje stručne spreme;
- Izjava ovjerena kod nadležnog organa uprave ili notara da nije predsjednik/ca ili član u nekom od reguliranih tijela na području Grada Goražda; (ne starija od 3 mjeseca)

Kandidati koji se prijavljuju na Javni oglas dužni su u prijavi navesti za koju poziciju se prijavljuju (iz reda osnivača ili zaposlenika Javne ustanove)

Kandidati iz reda osnivača koji budu ispunjavali opšte i posebne uslove javnog oglasa, dužni su prije konačnog imenovanja pribaviti pismenu saglasnost Gradonačelnika Grada Goražda, za imenovanje na poziciju predsjednika odnosno člana Upravnog odbora u JU „Sportski centar“ Goražde.

Kandidati koji budu ispunjavali opšte i posebne uslove Javnog oglasa, iz reda zaposlenika JU „Sportski centar“ Goražde, dužni su prije konačnog imenovanja dostaviti komisiji saglasnost direktora Javne Ustanove „Sportski centar“ Goražde za imenovanje na poziciju člana UO.

Kandidati koji uđu u uži izbor, biće pozvani na intervju. Na intervju kandidatima će se postaviti pitanja u pismenoj formi iz oblasti organizacije javnih ustanova i nadležnosti upravnog odbora.

Kandidati koji uđu u uži izbor dužni su dati komisiji podatke o odgovarajućem broju ranijih neposrednih rukovodilaca, od kojih se mogu dobiti preporuke i informacije o kandidatu.

Po okončanju konkursne procedure komisija će dostaviti listu uspješnih kandidata, Gradonačelniku Grada Goražda, koji je nadležan za konačno imenovanje.

Mandat predsjednika i članova UO Javne ustanove traje četiri (4) godine uz mogućnost ponovnog imenovanja na još jedan uzastopni mandat.

Predsjedniku i članovima upravnog odbora pripada naknada, a visina naknade će se utvrditi uz saglasnost osnivača.

**Javni oglas ostaje otvoren 15 dana od dana objavljivanja u dnevnom listu “Dnevni avaz”.**



Prijavu sa traženom dokumentacijom dostaviti u zatvorenoj koverti sa naznakom:

**“PRIJAVA NA OGLAS ZA IZBOR I IMENOVANJE PREDSEDNIKA I ČLANOVA  
UPRAVNOG ODBORA U JU „SPORTSKI CENTAR“ GORAŽDE  
– NE OTVARATI”**

Prijavu dostaviti lično na protokol Grada Goražda ili preporučeno putem pošte na adresu:

Komisija za izbor predsjednika i članova reguliranih tijela Grada Goražda, kanc.broj:20,  
Ul.Maršala Tita 2 Goražde.

Neblagovremene i nepotpune i neuredne prijave neće se uzimati u razmatranje.

**DOSTAVITI:**

1. Službene novine Grada Goražda,
2. „Dnevni avaz”,
3. RTV BPK Goražde,
4. JU „Sportski centar“ Goražde
5. Predsjedavajući Gradskog vijeća Grada Goražda,
6. Gradonačelnik Grada Goražda,
7. Oglasna tabla Grada Goražda,
8. Web stranica Grada Goražda,
9. U dosije,
10. a/a

Komisija za izbor predsjednika i članova  
reguliranih tijela Grada Goražda

